

SAŽETAK

Osnovna svrha ovog rada je prikaz tehnike prijema lopte u fudbalu, metodski postupci obučavanja i usavršavanja tehnike prijema lopte, te izbor i prikaz nekih vježbi prijema lopte u procesu obučavanja tehnike.

U prvom dijelu rada prikazan je kratak osvrt na razvoj i osnovne karakteristike fudbalske igre. U drugom dijelu definisani su predmet, problem i cilj rada.

Tehnika igre predstavlja kompleks složenih struktura kretanja - elemenata tehnike fudbalske igre koji su potrebni za uspješno rješavanje konkretnih taktičkih zadataka u različitim situacijama igre. Tehnika fudbalske igre se dijeli na tehniku igre bez lopte i tehniku igre sa loptom.

Obje vrste tehnike fudbalske igre su usko vezane jedna uz drugu, a sastoje se od tehnike kretanja i tehnike akcija sa loptom. Prijem lopte je kompleksan element tehnike te se njegovo izvođenje može mijenjati u zavisnosti od načina prijema lopte i njegova taktičkog usmjerenja.

Metodski postupci učenja prijema lopte po uzrasnim kategorijama je osnova za uspješnu organizaciju rada sa mladima.

Svakako treba istaći da su metodski postupci učenja različiti u odnosu na uzrasnu kategoriju dječaka. Tako, naprimjer kod uzrasne dobi do 12 godina usvajanje tehničkih elemenata treba se bazirati na igri i zabavi, kako bi se djeca dodatno motivisala i zadržala u fudbalskom treningu. Kod prijema lopte veoma je važna koncentracija i kretanja igrača odnosno pravovremena procjena trenutka prijema lopte, zauzimanje adekvatnog položaja kao i postavljanje odgovarajućeg dijela tijela – stopala za prijem lopte..

Ključne riječi: fudbal, metodika, učenje, dječaci